

www.e-rara.ch

Summa iuris canonici comprehensa tribus partibus

Strein, Johann

Coloniae Agrippinae, 1658

Zentralbibliothek Zürich

Shelf Mark: RRR 50

Persistent Link: <http://dx.doi.org/10.3931/e-rara-31071>

Titulus XIII. De rota romana, & consistorio.

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

TITULUS XIII.

De Rotâ Romanâ, & Consistorio.

Congregationes quæ à Cardinalibus constituuntur, vel reguntur, proxima dignitate, & auctoritate **ROTA** sequitur, quæ nihil aliud, quàm Senatus, aut Concilium duodecim Prælati constans, quorum aliqui Itali, & Galli, alii Hispani, & Germani. Quatuor Notarios singuli Auditores habent. Feria secunda, & sexta congregantur, excepto Vacationum tempore. Causæ beneficiorum omnes & profanæ ibi aguntur. Initium vacandi prima Julii hebdomada est. Post ultimam Sessionem in palatio Apostolico Officiales omnes Rotæ à Summo Pontifice ad epulum invitantur. Singulis præterea centum aurei dantur; Decano alterum tantum: qui mos à *Clemente VIII. capit.* Kalendis Octobris ad institutum redeunt, ubi postremi Auditores duo mulis vecti ad Curiam tendunt pluribus equis comitati, eo servato ordine, ut primi Auditores incedant, equites sequantur, idq; propterea, ne cum Cardinalibus eundem statum habere videantur. Cardinales enim postremo loco vehuntur. Officium Auditoris annuè mille scuta numerat. Postremus Auditorum habita oratione initium dat consiliis, & Congregationi deinceps habendæ. Ita *Claud. Vaure. Barb. Vor. Decis. II. p. 64.* De eodem Senatu agens *Azor. II. l. 5. c. 41.* Causas *inquit* ex toto orbe allatas Summus Pontifex per viros utriusq;

juris peritos expedire solet: qui quoniam in Capella Pontificia illi assistebant, Cappellani Summi Pontificis olim dicebantur, & Auditores sacri Palatii. Hodie Auditores Rotæ vocantur, quod in orbem sedentes controversias, & causas examinent. In hoc Auditorio cuncta juxta doctrinam, prudentiam, & æquitatem definiuntur. Sunt Auditores duodecim. Ad hunc enim numerum eos *Sixtus IV.* reduxit. Esse Judices delegatos censet *Archid. in c. experientia II. q. 1. Bartol.* vero habere jurisdictionem ordinariam. *l. practicum §. 1. C. de appell.*

De Consistorio Romano.

PRO Consistorio aulæ duæ sunt in Palatio Apostolico, S. Petri, quarum *Prima* amplissima, ubi Consistorium publicum habetur, Legati Regum, & Principum excipiuntur. *Secunda* pro Legatis Principū est, & rerum publ. quando gratulaturi Summo Pontifici, vel exhibituri obsequium veniunt. Item pro publicatione Cardinalium; pro Legatis Apostolicis quando reversi sunt, pro novis Cardinalibus ad Curiam venientibus. Ibidem causæ aguntur ad Consistorium pertinētes. In fronte thronus eminet quatuor graduum altitudine, ubi scabellū aureo peristromate vestitum. Ad dextrū latus Cardinales episcopi & presbyteri consident, ad sinistrā Diaconi. Sedilia circum circa

circa rubro purpurant. Pontifex ad Consistorium vadit ornatus Pontificali, ante illum ceteri, & Cardinales. Pontifici postquam de more reverentiam fecere Cardinales, suo quisque loco residet. Archiepiscopi, episcopi, Protonotarij, & Prælati omnes in tribus gradibus solij pontificalis sedent cum Auditoribus Rotæ, clericis Cameræ, & acoluthis cappâ laneâ vestitis. Inimò reliqui aulici, Camerarii, & Secretarii. Ad latus Pontificis nepotes in Consistorio locantur: qui honor alijs quoque magni nominis Principibus defertur. Legatis Regum à dextra locus est: familiaribus Papæ, & nobilibus à sinistra, sed intra solum, & murum. Post Cardinales presbyteros & Diaconos Advocati Consistoriales locum habent. Post Cardinales Episcopos Procuratores Regum, Principum, & Ordinum cum procuratore fiscali, qui inter Procuratores primum locum obtinet. Clerici caeremoniarum ante Cardinales Diaconos iuxta Papam sedent, ut ad mandata prompti sint. Magistri sacri Palatij locus infra Cardinales presbyteros est.

Quando Consistorium habetur pro causis audiendis Advocati proponunt litem, & supplicationem suam conijciunt in manus Curialium, qui humi confident: illi de manu in manum promovent, donec ad Vice-Cancellarium ipsum defera-

tur. Si quis contradicere supplicanti velit, permittitur: quo facto, siquidem videtur congruum, Pontifex respondet. *Placet*, absolute, vel limitatione. Eam decisionem recipiens Vice-Cancellarius supplicationem manu propria consignat, & refertur in Codicem, seu Registrum mandat.

Consistorium, quod *Secretum* vocant, in aula minus publica celebratur. Sedes Pontificis ibi duobus gradibus altior non est sedilibus Cardinalium, quæ aulæ vacua solo colore rubent additis Papæ insignibus. Solius Pontificis aureo peristromate tegitur. Qui postremo loco inter Cardinales Diaconos sedet, campanula vocat eos, quorum opera necessaria est. Cùm nominandi, aut designandi Cardinales, & Prælati sunt, Pontifex mitratus ingreditur, aliàs in consuetâ togâ & paruo capuccio. Hodie vix unquam cum cappa, & mitrâ apparet, nisi fortè post electionem suam. In Consistorium Secretum præter Cardinales nemo admittitur exceptis duobus Secretariis, qui ad portam præstolantur. Causam Pontifex proponit, collectisque Cardinalium suffragiis ex pluralitate definit.

Claud. Vauve. Archontologia Gotofredi

pag. 27.